



ADMINISTRACIÓN LOCAL MUNICIPAL NEGREIRA

Aprobación definitiva da Ordenanza fiscal reguladora da taxa pola prestación de servizos facultativos nas obras municipais

ANUNCIO

ORDENANZA FISCAL – APROBACIÓN DEFINITIVA.

O Pleno da Corporación con data de 14 de xullo de 2025, acordou a aprobación provisional da Ordenanza Fiscal reguladora da Taxa pola prestación de servizos facultativos nas obras municipais.

Publicada con data 6 de agosto de 2025 no Boletín Oficial da Provincia e transcorrido o prazo de trinta días hábiles sen que se presentasen reclamacións, considérase aprobada definitivamente a citada Ordenanza Fiscal, sendo o texto da mesma o que acompaña como Anexo a este anuncio.

ANEXO

ORDENANZA FISCAL REGULADORA DA TAXA POLA PRESTACIÓN DE SERVIZOS FACULTATIVOS NAS OBRAS MUNICIPAIS (DIRECCIÓN DE OBRA, COORDINACIÓN DE SEGURIDADE E SAÚDE DE OBRAS, INSPECCIÓN E LIQUIDACIÓN).

ARTIGO 1. FUNDAMENTO LEGAL.

Ao abeiro das facultades concedidas polos artigos 133.2 e 142 da Constitución e polo artigo 106 da Lei 7/1985, do 2 de abril, Reguladora Das Bases do Réxime Local, e de conformidade co disposto nos artigos 15 e 19 do Real decreto lexislativo 2/2004, que aproba o Texto refundido da Lei Reguladora Das Facendas Locais, este Concello establece a taxa polos servizos facultativos que se presten en obras municipais que se executen por terceiros (dirección de obra, coordinación de seguridade e saúde, inspección e liquidación) que se rexerá pola presente ordenanza fiscal, segundo o establecido no artigo 57 do citado Real Decreto Legislativo.

ARTIGO 2. FEITO IMPOÑIBLE.

Constitúe o feito imponible desta taxa os servizos que o concello presta aos adxudicatarios de obras municipais (a través dos seus propios servizos técnicos e/ou concertados) de: dirección facultativa, de execución material, inspección, coordinación e comprobación do cumprimento das prescricións establecidas pola Lei de Prevención de Riscos Laborais en materia de seguridade e saúde.

ARTIGO 3. DEFINICIÓNS.

3.1- Dirección de obra: comprende todos os traballos de dirección facultativa da obra, comprendidos na Lei de Contratos do Sector Público; dende a preparación da documentación e autorizacións previas a acta de reformulo ata a acta de recepción da obra.

3.2- Liquidación: a liquidación é o último acto de verificación das unidades executadas, que da lugar ao peche ds certificacións (pagos a conta) e eméndanse calquera erro, exceso ou defecto, axustando os pagos ao realmente executado e sen posibilidade de modificación posterior. O traballo de liquidación atópase incluído no servizo de dirección de obra.

3.3- Coordinación de Seguridade e Saúde: inclúe todos os servizos relacionados no Real Decreto 1627/1997, durante o desenvolvemento da obra.

ARTIGO 4. SUXEITO PASIVO

Serán suxeitos pasivos das taxas que se regulan nesta ordenanza, en concepto de contribuíntes, as persoas físicas e xurídicas, así como as entidades as que se refire o artigo 35.4 da Lei 58/2003, do 17 de decembro Xeral Tributaria, que resulten adxudicatarias das obras ou afectadas pola actividade administrativa que constitúe o obxecto desta taxa, cando sexan legalmente esixibles a dirección de obra ou/e os servizos de coordinación e saúde (e con independencia de que o servizo se preste de xeito directo ou indirecto).

ARTIGO 5. BASE IMPOÑIBLE

Constitúe a base imponible da taxa o orzamento de execución por contrata (segundo proxecto técnico, memoria valorada ou orzamento aprobado polo concello).

O orzamento de execución por contrata está composto polo presuposto de execución material, mais os gastos xerais, beneficio industrial e IVE, que serven de base para a licitación das obras.

ARTIGO 6. COTA TRIBUTARIA

A cota tributaria determinarase mediante a aplicación das seguintes tarifas:

1. Dirección das obras: 3 por cento sobre o orzamento de execución por contrata.

2. Coordinación de seguridade e saúde: 1 por cento sobre o orzamento de execución por contrata.

En ningún caso a cota tributaria poderá superar o custo efectivo que para o Concello de Negreira supoña a realización dos traballos correspondentes.

ARTIGO 7. DEVINDICACIÓN

As taxas devindicaranse cando se presenten á aprobación cada unha das certificacións correspondentes á obra cuxa dirección e/ou coordinación en materia de seguridade e saúde constituía o feito imponible.

ARTIGO 8. XESTIÓN, LIQUIDACIÓN E RECADACIÓN.

1. A alcaldía (ou órgano no que delegue) aprobará a liquidación das taxas a partir do momento de presentación das certificacións indicadas no artigo anterior, polos adxudicatarios contratistas das obras públicas municipais, a quen se lles preste os servizos de dirección técnica e/ou coordinación en materia de seguridade e saúde. Por razón de economía procesual, a liquidación das taxas pode aprobarse xunto coa certificación de obra.

2. Existen dúas canles para o ingreso das taxas na tesourería municipal:

- Ao proceder ao pagamento da certificación, poderá practicarse a retención sobre a parte que corresponda á taxa.
- Liquidar as taxas ao contribuínte de xeito independente, esixíndolle o seu ingreso nas arcas municipais, nos prazos conferidos pola lexislación tributaria.

ARTIGO 9. INFRACCIÓNS E SANCIÓN

Aplicarase o réxime de infraccións e sancións reguladas na Lei Xeral Tributaria e nas disposicións que a complementen e desenvolvan.

DISPOSICIÓN FINAL.

A presente ordenanza entrará en vigor ao día seguinte da súa publicación íntegra no Boletín Oficial da Provincia e continuará vixente en tanto non se acorde a súa modificación ou derogación expresa.

Manuel Ángel Leis Míguez

Alcalde – Presidente

Negreira 23 de setembro de 2025

2025/6188